



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. VI. Quâ ratione Hincmarus libertates Ecclesiæ Gallicanæ defendisse
videatur.

urn:nbn:de:hbz:466:1-38227

minationem intentatis, erga Regem nostrum gerere debamus. Quapropter Domine Pater Reverendissime consulite secundum privilegiorum sedis vestre subjectioni nostre, ne talia nobis cuiuscumque suggestione mandetis, unde inter Episcopalem autoritatem, & Regalem potestatem, inter Ecclesiam, & Rempublicam scandalum posse oriri. An negotium ulterius cum Hincmaro processerit, antiqua monumenta non docent. Sólida fortassis visa est illi Hincmari ratio.

C A P U T V I.

Quā ratione Hincmarus libertates Ecclesiae Gallicanæ defendisse videatur.

1. IN negotiis, quæ suprà retulimus non ita laudabiliter se gessit Hincmarus Remensis, ut Ecclesiae Gallicanæ glorandum sit talem habuisse suarum libertatum defensorem. Sed hanc illi Prælato laudem tribui puto, quod Canonum autoritatem Summorum Pontificum Decretalibus prætulisse videatur, eoquæ prætextu tam pertinaciter suorum consiliorum executionem prosecutus sit, prohibentibus licet Romanis Antistibus.

2. Accrimè quidem Canonum executionem prosequi vi-fus est, sed nescio an laudandus sit in eo ejus zelus. Ut enim propriæ securitati consuleret, aut fortè livori faceret satis, Canones, quos desideriis suis accommodabat, observari pertinaciter postulabat. Præcipuum ejus studium fuit circa Canonom Africanum prohibentem appellations à Judicibus, quos partes elegissent; quia scilicet hæc appellationis prohibitio, quam, ut diximus cap. 4. perperam affingebat Concilio Africano, viam omnino præclusisset Ebbone, ne propriam Sedem resumeret, & ab ea ipsum Hincmarum sibi suffectum expelleret; Rothaldum, qui cum aliis Episcopis, & Lothario Imperatore Ebbonem restituerat post mortem Ludovici Pii, quemque idem Hincmarus déponendum curaverat, Clericos item ab Ebbone post suam restitutionem, & antequam rursus deponetur, ordinatos, atque urgente Hincmaro dejectos, omni spe recuperandi gradus privasset, eo quod Judices, à

118 TRACTATUS DE LIBERTATIBVS,
quibus damnati fuerant, elegissent, ut eis objiciebat; Secundum
Canonicam institutionem elegit sibi (Ebbo) per consensum Synodi Episcopos. Judices peccatorum suorum, quos Canones electos appellant. De quibus
scriptum est in Concilio Africano cap. 36, ut ab electis Judicibus provocare non
liceat. Hincmarus opusc. 2. contra Gothesc. cap. 36. absque du-
bitatione confido quia illud, quod in praefato Carthaginensis Concilii Capitu's
sine ulla interpellatione subsequitur Decretum vestri moderanini nequamquam pra-
teriret; sanè, inquit, si ex consensione partium electi fuerint Judices, etiam
à pauciore numero quam constitutum est, non liceat provocare. Qui numerus
constitutus in 12. superiori Capitulo demonstratus, & consensus partium expre-
titus in dijudicatione Rothaldi constat fuisse completus. Hincmarus tom. 2.
n. 17. epist. ad Nicolaum Papam.

3. Eo prætextu, vel alio simili multoties, diuque Sum-
mis Pontificibus reluctatus est, sed tandem eorum præceptis
cessisse negari non potest; & quia sique esset ejus obedientiam
imitari, quām contumaciam laudare; Semper, inquit epist. ad
Nicolaum Papam, quæ est 26. tom. 2. editionis Sirmondi,
& Apostolica Sedi, & ejus Rectoribus, postquam me nosse potui, pro meo sc̄i,
& posse fidelis, & devotus, & humili, ac SVBIECTVS EXSTITI,
sum, &, adjuvante Domino, permanebō. Multa his similia, tum in
illa epistola, tum in quibusdam aliis leguntur, ex quibus in-
telligitur, illum, etiam cùm supremo Christi Vicario repu-
gnaret, ejus potestatem agnoscere, illiisque parere videri vo-
luisse. Sed quæ fuerit ejus circa Canones sententia videa-
mus,

4. Decoquere non poterat, ut Jura Metropolitanorum im-
minuerentur prætextu Decretalium, quæ suppositæ antiquis
Pontificibus ante annos circiter 80. & in lucem emissæ fue-
rant. Ideoque illis Canones ab Ecclesia universa, præsertim
à Summis Pontificibus receptos opponebat, insinuans potius
parendum Canonibus, qui diuturno usu, ac Præsulum Ro-
manorum Decretalibus comprobati fuissent, quām Decreta-
libus aliis, quæ cum illis pugnabant. Si illa, inquit scribens ad
praefatorum Pontificum Apostolica Sedi Epistoli dicis recipiendoſ venerandoſ Ca-
nones esse, qui quod vis dicitur & licitum, & quod non vis non sanctum,
& illicitum, ac si in voluntate tua cuncta sint posita, & non sit qui tua positi
resistere voluntati, pande nobis quas sumus, quid censeas de eorum Decretis, quæ

post Nicenum Concilium, & alia Catholica Concilia observanda Decretalia constituta de eisdem Sacris Canonibus promulgata sanxerunt, sicut Siricius, Innocentius, Zosimus, Bonifacius, Celestinus, Leo, Hilarius, Symmachus, Gelasius, Hormisdas, Gregorius, & quique alii, quorum Decreta Ecclesia Catholica, & Patres, ac Predecessores nostri servanda tenuerunt & venerati sunt. Et quoniam in quibusdam à propositis, quos appellat Canones dissonant, magistrali censurā decerne, que ex his sequi, & que refutare debeamus. Et tom. 2. n. 36. epist. ad eundem Hincmarum Laudensem; Ego Decretales Epistolas Sedi Apostolica diversis temporibus pro diversorum Patrum consolacione vel consultatione ab eisdem Sedis Pontificibus datas & venerabiliter suscipio, & venerabiliter suscipiendas dico & scribo, & Sacrosanctorum Conciliorum Canones cum DECRETIS APOSTOLICÆ SEDIS ex eisdem Sacris Canonibus promulgatis, & recipiendos, & custodiendos, & servandos, sicut supra ostendi, profiteor. Suppositas igitur antiquiorum Pontificum Epistolas, quarum tamen salitatem non omnino perspectam habebat, confert cum Canonibus ubique receptis, & per Epistolas veras Summorum Pontificum confirmatis; At non disputat utrum Summi Pontifices possint, interveniente legitimâ causâ Canones temperare.

5. Inanis erat subtilitas Hincmari Remensis, cum Gelasiū Papam Decretalibus Summorum Pontificum reverentiam, non autem exactam obedientiam præstandam voluisse interpretabatur, adverbium *venerabiliter* magis attendens, quam participium *recipiendas*. Ista enim sunt verba Gelasii in Concilio Romano anno 494. Item *Decretales Epistolas*, quas Beatisimi Pape diversis temporibus ab urbe Romana pro diversorum Patrum consultatione derunt **VENERABILITER RECIPIENDAS**. Quod autem haec vox *venerabiliter* obedientiam, ac subjectionem non solum non excluderet, sed etiam eximiam requireret, apertissimè colligitur ex eo quod Gelasius paulò ante de Epistola S. Leonis ad Flavianum, quæ veluti fidei regula circa Mysterium Incarnationis ab Ecclesia universa semper fuit habita, sic statuit; Item Epistolam B. Leonis Pape ad Flavianum Constantinopolitanum Episcopum destinatam, cuius textum quispiam si usque ad unum iota disputaverit, & non eam in omnibus **VENERABILITER RECEPERIT**; anathema sit. Hinc infer quid sit **VENERABILITER RECIPERE** Decretales Summorum Pontificum ex sensu Gelasii.

6. Fortassis etiam quia Hincmarus alicubi pro consultatione legere

120 TRACTATUS DE LIBERTATIBVS,
legerat consolatione, putabat illas Decretales, non tanquam disciplinæ regulas exequendas, sed quasi pro consolandis afflictis scriptas, cum veneratione tantum suscipiendas.

7. Imò licet Canones tantopere commendaret, ubi suis consiliis suffragabantur, illis per Sedem Apostolicam aliquando derogari curabat; Quod certissimum est argumentum ex ipsius mente Summum Pontificem non ita esse Canonibus subjectum, ut ab iis recedere, vel ab iis alios solvere non possit. Etenim Hincmarus à Benedicto III. & à Nicolao Primo privilegium postulavit, quo solius Romani Pontificis judicio reservaretur, licet ex primo Canone Concilii generalis Ephesini à Coacilio Provinciali, saltem in certis casibus posset deponi; si quispiam Metropolita Provincia (verba sunt Canonis Ephesini) derelicta sancta, & œcumenicā Synodo, aut accessit ad illorum defectionis confessum (qui se à Concilio sejunxerant) accedit in posterum, sive cum Celestio sensit, aut sentiet, ipse nihil amplius poterit agere adversus Provincie Episcopos, ut qui jam inde à Synodo etiā Ecclesiastica communionis expers sit factus, & prorsus inutilis, sed & Episcopis illius Provincia, circumquā vicinis Metropolitanis recta sentientibus subjacebit, ut omnino dejectus sit à Sede Episcopatus. Verba verò privilegii à Nicolao Primo concessi Hincmaro sunt ista; nullius excommunicationis, vel obligationis, seu condemnationis sententia SINE DECRETO ROMANI PONTIFICIS tenearis adstrictus; sed si à quoconque, vel undique fueris compellatus, ut debeas judicari, Apostolici Papa judicio te servari nostrā, imò B. Petri autoritate decernimus: nec alterius cuiuscumque Iuri, vel judicio te subjici, EXCEPTA POTESTATE SEDIS ROMANÆ PONTIFICIS, nec ad alterius Provinciae Primatis Synodum, nisi ex communī placito posse convocari mandamus. Similia continet datum à Benedicto III. privilegium.

8. Hanc privilegii partem defendit Hincmarus epist. 44. quæ est ad Episcopos Dioecesis Remensis cap. 24. autoritate S. Leonis epist 84. quæ Anastasium Thessalonensem Episcopum sanctæ Sedi Vicarium monet, non potuisse sine sua autoritate deponi Metropolitanum; sed etiam si quid grave, intollerandumque committeret (Nicopolitanus Metropolitanus) nostra etiā expectanda censura; ut nihil prius ipse decimeres, quam quid nobis placet agnosceres. Fuit autem hæc Epistola scripta post Concilium Ephesinum, cuius Canon mox relatus Metropolitanorum

judi-

judicium Episcopis Provinciæ, & vicinis Metropolitis permittit; sed ante Concilium Chalcedonense, cuius Canones nonus & decimus septimus Primi, aut Episcopo Constantinopolano illud judicium tribuunt; ne putes idem S. Leonem, cumque secutos Pontifices idem Metropolitanorum judicium sibi reservasse; quod Concilium Chalcedonense Ephesino derogasset; sed quod hanc à Christo facultatem accepisset, cui non possit à Canonibus quidquam detrahi.

9. Sed quis magis impugnat, quam Hincmarus regulam illam quā volunt aliqui libertates Gallicanas niti, quod scilicet summus Pontifex Conciliorum Canonibus ita subdit, ut ei resistere liceat, si quid adversus Canones molietur. Licet enim Hincmar referret ad tuendum suum privilegium non subeundi alterius quam Romani Pontificis judicij, Canones 9. & 17. Chalcedonenses defendere, ut illud cūm jam esset Concilii oecumenici autoritate munitum, non cogeretur sanctae Sedi acceptum referre: Tamen in opusc. 55. capitum scilicet cap. 23. & cap. 24. Canones illos vi carere affirmat ex eo quod à Romanis Pontificibus non fuerint recepti, quod probat testimonii sanctorum Leonis, Gregorii, & Gelasii. Prolixiora sunt illa capitula quam ut hic exscribi debeant. Videantur, si lubet, apud ipsummet Autorem loco citato.

C A P U T V I I.

De praxi libertatum Ecclesiae Gallicane circa Canones octavæ Synodi.

I. Llustrissimus Petrus de Marca lib. 2. cap. 17. num. 1. argumentum in favorem libertatum Gallicanarum trahit à non acceptatis, & non observatis statim aliquibus Canonibus octavæ Synodi Constantinopoli habitæ sub Hadriano II. Colligit autem non fuisse receptos, tūm ex eo quod Hincmarus illorum in suis litteris non meminerit, tūm quod Ademarus tradat constituta inibi fuisse aliqua Canonibus antiquis adversa; tūm denique quod Concilium illud variis Ca-

Q

noni-